

# AIDS aweanes long DWU kos

Stephanie Gimo  
-DWU sumatin- i raitim

Divine Word Yunivesiti i kirapim tingting long putim HIV/AIDS aweanes insait long kos buk bilong ol dispela yia. Yunivesiti i bin gat HIV/AIDS aweanes insait long kos buk long yia i go pas tasol i ting long apim dispela yia bikos hevi long sik i no hevi long tingting tasol, em i hevi bilong sait

**bilong developmen tu.**

Long mun Ogas 2005, DWU i bin holim wanpela kibung we i lukluk long ol hevi bilong HIV/AIDS insait long ol yunivesiti long kantri. Long dispela DWU, i luksave long bikpela piksa bilong ol hevi bilong HIV/AIDS we i ken kilim dai ol man husat i ken developim ikonomi na i kirapim strongpela tingting namel long yunivesiti komyniti.

Vais-Presiden Akademik


bilong DWU, Bruder Andrew Simpson i tok HIV/AIDS i kamap bikpela hevi insait long PNG na i luk olsem wanpela hevi long sait bilong developmen.

"Yumi mas givim skul long ol yangpela insait long ol skul, skulim ol long wanem samting tru i HIV/AIDS," Bruder Simpson i tok.

Em i tok sik i bikpela tumas na wei long kisim sik tu i bikpela na i luk olsem ol

jeneresen long ol famili bai dai long HIV/AIDS long kantri. Em i tok tu olsem yumi mas skulim ol pipel long gutpela tingting long ol man husat i gat dispela sik.

Olgeta dipatmen insait long 6-pela fekoliti long yunivesiti i mas gat het toktok long dispela sik insait long kos-buk we i bai mekim ol sumatin i kirapim tingting olsem HIV/AIDS i stap long kantri na givim skul long ol rot ol man i ken kisim.



GLASIM EDUKESAN: Ol sivil sosaiti na NGO grup i bin bung long lukluk long edukesen sevis insait long PNG. Foto: Veronica Hatutasi

## *Ol HapHap Nius*

### **Pom Nets AIDS aweanes**

OL sumatin bilong Pot Mosbi Nesenel Hai skul i amamas long harim ol AIDS aweanes long ol wanskul bilong ol.

Stat long las wik yet, 6-pela Gret 12 sumatin i bin kirapim wok bilong givim AIDS aweanes long skul, bihainim sik i wok long bagarapim planti yangpela pipel.

Ronert lori Thomas em grup lida i tok ol sumatin i amamas tru long harim ol toktok i kam long ol wanlain i karimaut "Peer AIDS aweanes" long skul bikos ol i kisim gut ol skul na ol i no sem long tromoim ol askim long ol samting ol i no kia long em.

Ol bin karimaut AIDS aweanes long tupela klas las Fonde long wanpela awa long belotaim. Ol bai skruim gen aweanes long tupela narapela klas long tude.